



# Mbaadiiji Fulbe e nder Mali





Fulɓe ina keewi e nder Mali.  
Kadi Fulɓe ko aynaabe buri  
heewde e julaŋkooɓe. Fulɓe ina




mbadi eggiyankooɓe. Kadi Fulɓe  
ko jom'en jawdi. Eɓe njogi  
na'i, baali, be'i, bamɗi, pucci

e geloodi. Ko dūm saabi Fulbe  
ko e nder ladde - buri waawde  
hodde kadi. Fulbe ina tiida  
aadi mumen; sabu kala ko taw  
daa baaba ma ina golla ko dūm  
njidata gollude. Fulbe kadi  
ina njidi kodo no feewi. Ebe  
ngaadori hirsande hobbe so ko  
njippiima be.

1. Pullo ina heresa kodo; jippo  
dum; addoora ñaamde.





Walla huunde wonnde, rokka jom galle o ina wela ɓe tawa kodo o ko jeewtoowo.


2. Fulɓe ina teddini ɗemngal mumen kala no mbaaɗa so ko e are Fulɓe e haali Pulaar yimɓe njaɓɓoto ma no haanirta nih.

Kono so a haali ko wonaa Pulaar  
maa ɓe njaɓɓo ma, kono wanaa no  
so a haali Pulaar nih.

3. Fulɓe ina teddini ndimaagu  
mumen, sabu maccuɗo resataa  
dimo e dimo ne resataa maccuɗo  
kadi. Kala ko maccuɗo janŋgi  
ardotaako ɓe. So ko haali ne  
ɓe njaɓɓata ko haali. Ko noon  
ne mbo wona Pullo fof.

So ko haalanii ɓe ɓe njaɓɓata  
sabu e miijo maɓɓe alaa e leñol  
jogi ganndal haa yottii ɓe,  
sabu yimɓe heewɓe njahrata to  
maɓɓe ko yiilaade huunde.

4. Debbo Pullo ina tiidi ko  
haalata innde gorko mum. Walla  
wii ma ko odo woni gorko am.  
Be njidaa kadi naamneede no  
ɓiɓɓe maɓɓe poti. Be njidaa  
naamneede no jawdi maɓɓe foti.



5. Eɓe njidi jaɗde kono ko  
Pulaar e Arab, kono wona  
Faranse. Kadi eɓe njogi  
annduɓe ka faati e Kuraana.  
Eɓe njogi gannde godde ko wayno  
ina wadi leñol Fulɓe wi'eteeɓe  
Tasarnaabe – ina nganndi ko  
na'i kaalata kala jawdi ko  
haalata.

6. Fulɓe no mbaɗi leyyi  
seertuɗi. Eɓe mbaɗi  
Soowaanaabe e Uururɓe e Wodaaɓe  
e Saamanaabe e Edinaabe  
hayrankooɓe e Yaalalɓe e  
Fulaabe. Jettoode Fulɓe burde


anndeede ko Jallo e Bah, Soh,  
Bari. Ina wadi Raɗaabe ina  
teska e Fulbe kadi ina tawe e  
ɓoornanteeje. Fulbe wutteeji  
mawdi, rewbe, worbe kala. Kono  
kala mbo alaa jawdi ndariindi  
be noddirta on ko ɓaleejo kono  
kala jaarowo kosam ko daneejo  
be noddirta on; sabu ko woni  
Pullo ko.

7. Fulbe njaɓataa debbo mum  
rese e leñol godngol. Wadi  
worbe maɓbe ina ndesa leyyi  
goddi, kono weeɓaani. Kadi  
debbo Pullo heewi resireede ko

duubi jeenayi haa sappo. Kono  
so ko yawti doon ko jalol sabu  
on wi'atee ko sooyi. Rewbe  
Fulbe ina tiitori bonnude dewle  
mumen.

Kala heen desaado dewgal  
gadanal ina heewi seereede,  
sabu Fulbe ndokkat debbo ko mbo  
yida walla ndokka gorko mbo  
yida. Ko dum addanta be  
seereede dewle maɓbe gidane.  
Caggal dum neddo on subono  
hoore mum mbo yidi be  
ndesondira.

8. Fulɓe ina kaɓe haa no  
feewi. Hare maɓɓe ɓuri heewde  
ko hakkunde maɓɓe e leyyi  
godɗi, sabu so ko en yeewi  
yettude hitaande 1989 haa 1999  
ɓe keɓi caɗeele no feewi. Kono  
hannde jam dañaama, kono yidde  
alaa hakkunde maɓɓe e leyyi  
keddiɗi. Kono ɗum fof jooni  
iwi. Hannde ko ɓe gootum e  
leyyi keddiɗi kawral ina  
hakkunde maɓɓe jooni.



9. Ina tiidi ko njiyata bii  
Pullo debbo tawa ko mboomiri  
ina yeewtida e worbe. Dum  
wadata ina tiidi e Fulbe  
biyyibe yiide mbo nder wuro.  
Jamma walla ñalawma kala heen  
mbo njidda ko galle baaba mum




tawata dūm. Fulɓe sukaaɓe  
mumen ina teddina mawɓe no  
feewi. Eɓe tiitori so ɓe kawri  
e mawɗo.

Be ndokka dūm goro walla  
suukara e warga. So ko  
sukaaɓe rewɓe kawri e sukaaɓe  
worɓe ina keewi rokkude dūmen  
kosam. Sukaaɓe worɓe ɓee ne  
cooda goro e suukara e warga  
ndokka ɓe.



10. Rewɓe Fulɓe ina njeeya  
kosam no feewi. Eɓe caña bedi.  
Eɓe mooro moorli joodɗi no  
feewi. Kadi eɓe kuutoro kanɓe.



Ebe mbada e ko'e maɓɓe kanje  
haa hawra e kala sahaa. Mbo  
njida rewɓe Fulɓe tawata ko ina  
njoodi sabu ɓe nguuri ko kosam  
e teewu. Ko dɗum wadi kala nde  
njiida ɓe ebe neyɓa ebe keewi  
fesiibe e tuppibe.

Kadi rewbe Fulbe ngala nanndo  
nde njiidaabe fof ebe ndoondi  
la'al walla taasa.

11. Fulbe ina paarnori suudu  
baaba mum sabu kala ko mbawda  
wonde so ko a alaa nder galle  
baaba maa hay huunde e wonaani.  
Kadi leñol Fulbe ina tiidi  
yiide kaangaado e nder Fulbe.  
Ina wadi kono hewaani. Kadi  
ina tiidi yiide gorko maɓbe mbo

alaa jawdi ndarindi.



Kadi ɓe ngala mbo gollata kadi  
ɓe ngala boccoonde kala e maɓɓe  
so ko jibinama hay so galle  
maɓɓe alaa jawdi kono gollat  
haa heɓa jawdi. Sabu aɗa waawi  
aynande godɗo sabu so tawi ko

baali lewru mbortu lewru jawdi  
ɗum. So a ayni duubi tati tan  
e heɓat baali haa heewa sabu  
kala mbaalu so ko heɓi lebbi  
jeetati ina haari jibinat. Ko  
ɗum wadi Fulɓe keewaani  
miskineeɓe.

12. Fulɓe njidaa ñaagaade sabu  
hay so ɓe njiirima ɗo ko ɓe  
njidi kadi so a wiya gooto e  
maɓɓe tawi aɗa yidi hay so ombo  
yidno wi'ata ko e yida ɗum  
wadi. Aɗa nodda pullo mbi a  
ɗum - Ar ñaam. Kono o wi'a -

Alaa. Kono so a ñaagi mo haa  
booyi tan, o ñaamat.


Min mbinndudo deftere nde o  
njeyaamii ko wuro ina  
wi'eteengo Weendu Semmbaano  
leydi Murtani. Mbedfa yidi  
haalde do ko faati e nguurndam  
am kono wona fof ko seeda tan  
ko Alla wadani mi ko miin.  
Baaba am wi'etee ko Sammba. O  
mayi ko hitaande 1976. Neene  
am wi'atee ko Kajjata Malik

Soh. Min jibinaami ko (31-  
12)1973. Mi jaɲɲgi Alkuraana  
seeda hitaande 1984 kono caggal  
ɗum mi woni gaynaako ha  
hitaande 1993. Puɗɗimi jaɲɲgude  
Pulaar kono Pulaar welana mi no  
feewi. Kono caggal ɗum mi  
yidti jaɲde Pulaar haa ɗum  
wonti haaju am. Alla wadi kam  
wittiyanke mbede yidno anndude  
Alla no feewi. Caggal nde  
njanngu mi Kuraan mi jaɲɲgi  
Tawreeta e Jabuur e Linjiila.  
Ko ɗum wadi Alla watti kam  
Iisaayanke e hitaande 1999



keɓmi deftere Linjiila ngadii  
mi naɗngude fof ko Macca  
simoore 28 Aye 18 – 20 “O  
ɓadtii, o wiyi ɓe:”Mi rokkaama  
kala baawɗe dow asamaan e dow  
leydi. Ndeen noon, caro-ɗe e  
aduna he mbadton leyɗi ɗi fof  
no potiri almuɓɓe am; mbaptisee  
ɓe e dow innde Baaba o, Biɗɗo  
o, e Ruuhu Ceniɗo o, te  
njaɗɗinginee be rewde ko njamir-  
mi on ko fof. Kadi ɗganndee,  
mbodo wondi e mon ñande fof haa  
aduna gasa.” Ko ñande  
njaɗɗngumi o ɗo aaye welinmi no

feewi sabu mi anndi so mi woni  
Almuudo Iisaa. Iisaa wondat am  
haa aduna gasa. Caggal dūm mi  
yii e nder Yuhanna Simore 3  
Aaye 16 Alla yidī Aduna o haa  
rokkiri biyum bajjo o mbela  
kala gonḡindo mbo ina waasa  
halkaade heḡa nguurndam haa  
abada. Banndiraabe eden poti  
janngude defte sabu so en  
njanngaani hay huunde e  
pirtaani dūm noon njanngen  
mbitten ko dūm woni nafoore me.



Ko Jallo Barel Sammba winndi e  
hitaande 2007 e lewru Siilo